

**Акафист Пресвятей Богородице в честь иконы Ея, именуемая  
Донская.**

**Кондак 1**

**Взбранней** Воеводе победительная, яко избавльшеся от злых, благодарственная восписуем Ти раби Твои, Богородице, но, яко имущая державу непобедимую, от всяких нас бед свободи, да зовем Ти:

**Радуйся**, Владычице, Заступнице верных преблагая и скорая.

**Икос 1**

**Архангела** благовестие слышавши Пречистая, кротостию прият волю Господа Своего и во смирении сердца отвеща: Се Раба Господня, буди Мне по глаголу твоему. Мы же, дивящеся, како Сын Божий Сын Девы бывает, с Гавриилом Благодатную песнями сими почитаем:

**Радуйся**, Отроковице, от всех родов Богом избранная;  
радуйся, скиние, Духом Святым осененная.

**Радуйся**, живоносная обитель Света Божественного;  
радуйся, Мати Божия, Спаса миру рождающая.

**Радуйся**, Всепетая, яко сотвори Ти величие Сильный;  
радуйся, яко и в славе икон Твоих величие сие явлено бысть.

**Радуйся**, яко Тобою, Благодатная, Невидимый нам приобщися;  
радуйся, яко чудотворными иконами Твоими благодать и милость

нам источися.

**Радуйся**, Владычице, Заступнице верных преблагая и скорая.

**Кондак 2**

**Видяще** Тя, Богородице, на объятиих Своих Младенца Христа держащую и главою к пречистому лику Его кротце приникшую, понимаем божественную любовь Твою и непрестанное о мире ходатайство. Веруем, яко имаши велие дерзновение ко благосердию Владыки, Емуже, давшему нам Тя благую Заступницу, благодарственно поем: Аллилуиа.

**Икос 2**

**Разум** немощный не может постигнуть глубину смиренного служения Твоего, Госпоже, Искупителю нашему, не имевшему на земли, где главу поклонити. Егда же придет великий и трепетный день страданий Сына Твоего, Богомати, оружие смертное пройде душу Твою. Сего ради сердцем соболезнующе, глаголем Ти таковая:

**Радуйся**, незлобивая Агнице, вертеп и бегство смиренно приемшая;

радуйся, богоприимца Симеона скорбное проречение в сердце начертавшая.

**Радуйся**, поношению Сына Божия сострадавшая;

ра́дуйся, крѣстный путь Егó слезáми оросѣвшая.  
Ра́дуйся, мѹки Егó крѣстныя сѣрдцем разделѣвшая;  
ра́дуйся, Кресту́ предстояниемъ соверше́нство любви́ Твоея́  
явѣвшая.

Ра́дуйся, грóбу Сы́на Твоегó благосѣрдый плачъ принѣсшая;  
ра́дуйся, воскресѣниемъ Егó пáче всехъ обра́дованная.

Ра́дуйся, Влады́чице, Застѹпнице вѣрныхъ преблагáя и скóрая.

### Кондак 3

Сѣла Вы́шняго содела́ Тя, Благодáтная, истóчникъ неоскудева́ющ  
утѣше́ния бѣдствую́щимъ: мно́ги бо скóрби претерпѣвши, мо́жеши и  
искуша́емымъ помощѣ. Людемъ рѹсскимъ, лю́те стра́ждущимъ отъ  
наше́ствия агáрянъ, благово́лила еси́ явѣти о́бразъ Твойъ в зна́мение  
мѣлости Твоея́ ко Оте́честву на́шему, в зашѣту отъ врагъ вѣдимыхъ и  
невѣдимыхъ, ѣхже по́мощию Бóжиею побежда́юще, Спасѣтелю Бóгу  
воспева́ху: Аллилу́иа.

### Икос 3

Иму́ще Тя подвигополо́жницу, ше́ствующую по стопа́м Влады́ки  
Христа́, мѹжества исполня́хуся первосвятѣтелие Москóвстии и  
подви́жницы благоче́стия земли́ Рѹсския. Бѣды́ и напа́сти  
претерпева́юще, сѣи́ уча́ху лю́ди дѹхомъ Гóсподеву рабóтати, ве́дуще,  
я́ко сѣла Бóжия в немо́щи соверша́ется. Мы же, вѣдяще ве́ру оте́цъ  
нашихъ и явле́ние благодáти, претворѣвшия злоумышле́ния во нра́вы  
до́брыя, досто́йно Тя, наста́вницу вѣрныхъ, ублага́емъ:

Ра́дуйся, насажде́ние ве́ры и благоче́стия;

ра́дуйся, о́бразе несокрушѣмаго терпѣ́ния.

Ра́дуйся, дѹха уны́ния и бо́язни отгна́ние;

ра́дуйся, дѹха ра́зума и крѣпости стяжа́ние.

Ра́дуйся, близъ Донскихъ стру́й чу́дно ико́ну Твою́ явѣвшая;

ра́дуйся, ре́ки слезъ наро́дныхъ е́ю изсуши́вшая.

Ра́дуйся, до́блести бога́тство намъ вручи́вшая;

ра́дуйся, моли́твенниковъ земли́ Рѹсския возрасти́вшая.

Ра́дуйся, Влады́чице, Застѹпнице вѣрныхъ преблагáя и скóрая.

### Кондак 4

Бу́ря превели́каго наше́ствия агáрянскаго потрясе́ зѣмлю Рѹсскую,  
но не возмо́же пла́мень угасѣти ве́ры в покрóвъ Твойъ, Богома́ти  
Пречи́стая. Вели́кий печальникъ земли́ на́шей преподо́бный Сѣргий,  
призва́въ на по́мощь Святу́ю Трои́цу и Тя, Влады́чице, со упова́ниемъ  
благослови́ свята́го кня́зя Димѣтрѣя с дру́жиною в походъ протѣву  
агáрянъ и предрече́ е́му победу, те́мже научѣ́ всехъ пѣти всесѣльному  
Бóгу, в Трои́це сла́вѣмому: Аллилу́иа.

### Икос 4

Видя икону Богоматере, на по́ли бра́ни от Донских предѣл пришедшую, и, приим послание от Сѣргия преподобнаго с напутием: Да поможет ти Бог и Свята́я Богородица, возрадовася князь Димитрий, яко Самá Владычица грядѣт на супостаты, и, воспрянувъ дѣхом, с надеждою поведѣ воины своя на тьмочисленная полчища и побѣду одержá. Икона же Твоя, Владычице, молниеносным блистанием зра́ка Твоего враги устрашаючи, залог побѣды являше. Сего́ ради благодарственно и радостно поемъ Ти похвальная сия:

Радуйся, Мати Господа Сил, небесная Воеводо;  
радуйся, земли Русския от века́ помощи и покрове.  
Радуйся, воиномъ мужества неодолимаго дарование;  
радуйся, врага́ исконнаго грозное низвержение.  
Радуйся, воинов-иноков на подвигъ ратный избравшая и укрепившая;  
радуйся, Отечество наше от ига агарянскаго свободившая.  
Радуйся, в явлении иконы Твоея лучами Солнца правды верных осиявшая;  
радуйся, преславную побѣду православно Тя чтущимъ даровавшая.  
Радуйся, Владычице, Заступнице верныхъ преблагая и скорая.

#### Кондак 5

Богоявленною звездою возсия икона Твоя пресветлая, озаряючи утро бра́ни и возвещаючи благословение Божие ратоборцем, на бра́нь жестокою с агаряны подвигшимся. Весь день той предстояху Сѣргий преподобный и иноцы мнози в молитве неотступней ко Святей Троице. Вечеру же бывшу, побѣду старецъ дѣхом познав, радостно сию провозгласи и благодарственное пение соверши всещедрому Богу, призывая и нас велегласно воспѣти Ему: Аллилу́иа.

#### Икос 5

Видя очима веры течение битвы и молитвою ратоборцы укрепляя, поименно поминаше преподобный Сѣргий вожди и воины убиенныя. Мы же, имуще завет его́ память о такихъ особо творити и ведуще силу молитвы, побѣду ору́жию приносящая, из глубины сердца воззовемъ Божией Матери, всемо́щней Покровительнице дѣшу свою́ полагающихъ за дру́ги своя:

Радуйся, меч гнева Божия на продѣрзья направляющая;  
радуйся, из правды венецъ побѣды соплетаящая;  
Радуйся, с храбрыми непреоборимо спобораящая;  
радуйся, к подвигомъ во бра́няхъ духъ возвышающая.  
Радуйся, ураненныхъ Своимъ попечениемъ не оставляющая;  
радуйся, убиенныхъ к вѣчному покою управляющая.  
Радуйся, вдовицъ и обезчадствованныхъ благодатно утешающая;  
радуйся, Воеводо изрядная, непобедимо державствующая.  
Радуйся, Владычице, Заступнице верныхъ преблагая и скорая.

### Кондак 6

Провозвѣстник спасенія Москвы от внезапнаго нашествія агарянскаго явися образ Твой, Заступнице скорая. Неприятелем во град внѣти уже готовым, с верою и слезным моленіем обнесоша его людіе по стенам и стогнам града и поставиша посреде воинства в походней церкви Сергія преподобнаго и, в молитве прилежаще, усердно зываху всемилостивому Спасу: Аллилуиа.

### Икос 6

Возсиявшу солнцу, узрѣша стрегущи воины, яко опустѣ стан агарянский: ношью страх внезапу нападѣ на ня от некия велія силы и, смутившеса, неудержимо бежаша даже до предѣл земли Русскія и вси изгибоша. О, предивная Заступнице наша! Твоими молитвами скорое избавленіе сіе бысть. Да исполнится же древній храм, возвысивыйся на мѣсте, идеже стояше чудотворный образ Твой Донскій, гласа хвалы сея:

Радуйся, свеще неугасимая, веры огонь воспламеняющая;  
радуйся, граду Москвѣ страже неусыпающая.  
Радуйся, уповающих на помощь Твою не посрамляющая;  
радуйся, плач верных вскоре в радость претворяющая.  
Радуйся, в бѣгство врагѣ обращающая;  
радуйся, призывающим Тя помощь подающая.  
Радуйся, со святителями и преподобными град наш ограждающая;  
радуйся, иноков под сению иконы Твоея учреждающая.  
Радуйся, Владычице, Заступнице верных преблагая и скорая.

### Кондак 7

Восхотѣвши оградити землю Русскую, державная Покровительнице наша, многажды козни агарян и прочих иноплемѣнник разоряше, предѣлы страны нашей хранящи, и победы дивныя даже без крове подающи. Благоволи, о Мати Божія, в міре глубоце и союзе любви вселенную сохранити, Тебѣ бо дадеся благодать всемирнаго заступленія пред Владыкою всех, Егже воинства небесная славят, поюще Ему: Аллилуиа.

### Икос 7

Новаго стража неусыпнаго града Москвы достойно почтити хотяще, соборный храм людіе благочестивии в Донстей обители соорудиша и на стенѣ храма живописаха икону Твою, Богомати, в божественное ограждение страны нашей, яко да отвне находящии врази отражены будут неотступными молитвами Твоими. Тебѣ же, яко сущей с нами, со упованіем глаголем:

Радуйся, Бога Живаго одушевленный храмѣ;  
радуйся, Мати міра, укрощающая смятеній волны.  
Радуйся, ночных бденій и молебных пений скорое слышание;  
радуйся, доброе пристанище душам, спасенія ищущим.

Ра́дуйся, ико́ну Твою́, я́ко зна́мя побéд, дарова́вшая;  
ра́дуйся, страну́ Ру́сскую досто́яние Своё избра́вшая.  
Ра́дуйся, бра́ней прекра́щением мир и ра́дость принося́щая;  
ра́дуйся, ко благоче́стию страну́ на́шу приводя́щая.  
Ра́дуйся, Влады́чице, Засту́пнице ве́рных преблага́я и ско́рая.

### Кондак 8

Разсе́яшася тучи напáстей моли́твами Твои́ми, Засту́пнице всеблага́я. Тёплая заря́ пока́яния, восходя́щи, предва́ряет то́ки благода́ти, призы́вающи к по́двигу, е́же ве́ровати пра́во и жи́ти свя́то. Простри́ же покрóв Твой, о Благода́тная Ма́ти, на всех гряду́щих у́зким, но вожде́ленным путе́м Христо́вых за́поведей, да вси позна́ют, я́ко с на́ми Бог, Ему́же поём: Аллилу́иа.

### Икос 8

Весь мир стра́ждет грех ра́ди челове́ческих, во зло его́ поверга́ющих. В Тебе́, Ма́ти ро́да христиа́нского, нача́ло о́бщаго избавле́ния бысть, исполне́ние вся́кия добродéтели. Да́руй же нам узрéти, богому́драя Де́во, в Ева́нгелии Сы́на Твоего́ свет боже́ственный, да отвéргше го́речь греха́, сла́дость благоче́стия обря́щем, вызы́ающе Ти сицевáя:

Ра́дуйся, благода́ти живонóсный исто́чнице;  
ра́дуйся, заблуж́дшим путево́дный свети́льнице.  
Ра́дуйся, слéзне ка́ющимся обновле́ние пода́ющая;  
ра́дуйся, ходи́ти в за́коне Господни наставля́ющая.  
Ра́дуйся, моли́тве тёплей науча́ющая;  
ра́дуйся, по́двигу поста́ вспомо́ществу́ющая.  
Ра́дуйся, грехо́вныя по́мыслы вла́стно от нас отгоня́ющая;  
ра́дуйся, братоло́бием те́мную зло́бу побежда́ти наставля́ющая.  
Ра́дуйся, Влады́чице, Засту́пнице ве́рных преблага́я и ско́рая.

### Кондак 9

Всех немощны́х крéпосте, печальны́х ра́дование, стра́ждущих посещéние, ве́рных дерзнове́ние Ты еси́, Пречи́стая Влады́чице Богоро́дице, всех притека́ющих под сень Креста́ Господня́ ко спасéнию приво́диши, да позна́вше Христа́, Бо́жию Си́лу и Бо́жию Прему́дрость, воспо́ют Ему́: Аллилу́иа.

### Икос 9

Ветии́ многовещáннии пости́гнути не мо́гут, человеколю́бивая Ма́ти, бездну щедро́т Твои́х, на злостра́ждущия и беспомощны́я излива́емых. И мы, сла́дость утешéния в нужда́х позна́вше, благословля́ем Тя с ве́рою и че́ствуем с любóвию, молéния вознося́ще пред о́бразом Твои́м сицевáя:

Ра́дуйся, в ско́рбех земны́х во́лю Бо́жию смире́нно прии́мшая;  
ра́дуйся, обуре́аемых в тихое пристáнище ввода́щая.

Ра́дуйся, болящих милосе́рдая целітельнице;  
ра́дуйся, вдов и сирот незрима́я пита́тельница.  
Ра́дуйся, страждущих любви́ю окружа́ющая;  
ра́дуйся, долгонеду́жных сла́дости райстей приобща́ющая.  
Ра́дуйся, чад Свои́х от враг необори́мо защища́ющая;  
ра́дуйся, яко слеза́ми ра́дости ико́на Твоя́ украша́ется.  
Ра́дуйся, Влады́чице, Засту́пнице ве́рных преблага́я и ско́рая.

### Кондак 10

Спасти́ хотя́ мир, Сын Бо́жий из Тебе́, Де́во, плоти́ю облече́ся и естество́ наше па́дшее обнові. Ді́вное Бо́жие смотре́ние о нас Тобо́ю, Де́во, исполня́ется, яко Ты еси́ вои́стину поги́бших взыска́ние и грешных исправле́ние, и Тобо́ю от отча́яния изба́влени, дерза́ем с весе́лием пе́ти Бо́гу: Аллилу́иа.

### Икос 10

Стена́ еси́ несокруши́мая Це́ркви Христо́ве, Всенепоро́чная Де́во, ве́рныя бо во искуше́ниях укрепля́еши, ми́ром и любви́ю огражда́еши. Сего́ ра́ди и гла́си моли́твеннии не умолка́ют зову́щих Ти:

Ра́дуйся, от купели креще́ния благая́ путево́дительнице;  
ра́дуйся, целому́дрія ю́ных огради́тельница.  
Ра́дуйся, ма́терем многотру́дным изрядная́ помо́щнице;  
ра́дуйся, чад непокорі́вых му́драя наста́внице.  
Ра́дуйся, в сиротстве́ ді́вное утеше́ние;  
ра́дуйся, вражду́ющих неча́емое примире́ние.  
Ра́дуйся, беззако́ннующих све́том пра́вды просвеща́ющая;  
ра́дуйся, грехи́ наша́ в мо́ри милосе́рдия́ потопля́ющая.  
Ра́дуйся, Влады́чице, Засту́пнице ве́рных преблага́я и ско́рая.

### Кондак 11

Пе́ние всеумиле́нное прино́сим Ти, вмести́вшей ипоста́сное Сло́во Бо́жие. Сын Твой, А́гнец Бо́жий, вземля́й грехи́ ми́ра, закала́ется и дае́тся в снедь ве́рным. Сподоби́ нас, Ма́ти Бо́жия, досто́йно причаща́тися Пречи́стых Те́ла и Кро́ве Его́, да спасе́ние улучи́вше, воспо́ем Жизнода́вцу: Аллилу́иа.

### Икос 11

Дщи Отца́ Небе́снаго, Ма́ти Сы́на Бо́жия, Невесто́ Ду́ха Свята́го, неисчерпа́емое мо́ре даро́в божественных Ты еси́, Всесвята́я Де́во. Умоли́ человеколю́бца Го́спода откры́ти нам исто́чник всеоживля́ющія благода́ти, да очище́нным се́рдцем потщимся возрасти́ти плоды́ Ду́ха, в ра́дости и весе́лии зову́ще Ти:

Ра́дуйся, пло́дов Ду́ха Свята́го стяжа́ние всеце́лое;  
ра́дуйся, ра́достью духо́вною упое́ние пречу́дное.  
Ра́дуйся, ми́ра непоколеби́мага дарова́ние благонаде́жное;

ра́дуйся, бла́гости и любве́ исполне́ние премы́рное.  
Ра́дуйся, милосе́рдия насажде́ние неувыда́емое;  
ра́дуйся, ве́ры живы́я утвержде́ние несокруши́мое.  
Ра́дуйся, кро́тости наста́внице несравне́нная;  
ра́дуйся, вражды́ разруша́ющая средосте́ние.  
Ра́дуйся, Влады́чице, Засту́пнице ве́рных преблага́я и ско́рая.

### Кондак 12

Благода́тную по́мощь мно́гажды явля́ла еси́, Цари́це Небе́сная, чрез чудотво́рный о́браз Твой, от сме́рти ско́рыя и неизбе́жныя изыма́ющи. Та́ко о́браз всечестна́го Успе́ния Твоего́, на о́братней стране́ ико́ны Донскы́я от лет дре́вних пи́санный, зна́мение есть вся́кому подви́зашему́ся, да не убо́ится сме́рти, но, взира́я, ка́ко душа́ Твоя́ прие́млется в ру́це Бо́га жива́го, с наде́ждою преда́ет себё в час сме́ртный Судии́ всех Бо́гу, вопи́я Ему́: Аллилу́иа.

### Икос 12

Пою́ще Тя, в моли́твах неусыпа́ющую Богоро́дицу, Святе́й Трои́це предсто́ящую, вопие́м Ти: пробуди́ нас све́том живонóснаго Успе́ния Твоего́ от смертоно́снаго сна нераде́ния о спасе́нии души́ и испроси́ нам с Го́сподом примире́ние. Егда́ же приспе́ет жа́тва сме́ртная жити́ю нашему́, огради́ нас всеси́льным предста́тельством Твои́м от духо́в зло́бы, да, Тобо́ю водими́, дости́гнем Ца́рствия Небе́снаго, иде́же незаходи́мое Со́лнце пра́вды невече́рний свет сла́вы Боже́ственныя излива́ет. О Всесвята́я Де́во, от Херувимъ воспева́емая, приими́ от нас, недосто́йных, похва́лы сия́:

Ра́дуйся, обра́дованная, во успе́нии Твоём нас не оставля́ющая;  
ра́дуйся, Ма́ти всепе́тая, одесну́ю Бо́га предсто́ящая.  
Ра́дуйся, го́рняго ми́ра красото́ боголе́пная;  
ра́дуйся, кла́дезю богомы́слия неисчерпа́емый.  
Ра́дуйся, любве́ боже́ственныя неугаси́мый свети́льнице;  
ра́дуйся, грехо́вных уз ско́рая решите́льнице.  
Ра́дуйся, возду́шных мыта́рств безбе́дное прехожде́ние;  
ра́дуйся, благая́ врата́рнице, дверей ра́йских отверже́ние.  
Ра́дуйся, Влады́чице, Засту́пнице ве́рных преблага́я и ско́рая.

### Кондак 13

О, всеми́лостивая Влады́чице Богоро́дице, страны́ наша́ дивная засту́пнице, оби́димых прибе́жище, грешных спасе́ние! Оте́чество наше́ от враг за́щити, вселе́нную всю́ ми́ром благослови́, ве́ру правосла́вную укрепí, крест коему́ждо со упова́нием понести́ помози́, в любви́ и согла́сии всех нас соблюди́ и в ра́дость Го́спода вни́ти сподо́би пою́щих Ему́: Аллилу́иа.

*Этот кондак читается трижды, затем 1-й Икос «Архангела благовестие...» и 1-й кондак «Взбранней Воеводе...».*

## Молитва

О, Пресвятая Владычице, Дево Богородице, Заступнице наша благая и скорая! Воспеваем Ти вси благодарственная за чудная дела Твоя. Песнословим от лет древних неотъемлемое заступление Твое граду Москве и стране нашей, чудотворным образом Твоим Донским всегда являемое: в бегство обращаются полцы чуждых, гради и веси невредими сохраняются, люди же от лютой смерти избавляются, осушаются очи слезящей, умолкают стенания верных, плач в радость общую претворяется. Буди и нам, Пречистая Богородице, утешение в бедствиях, возрождение надежды, образ мужества и источник милости; в скорбных обстояниях неистощимое терпение нам даруй. Подаждь коемуждо по прошению и нужде его: младенцы воспитай, юныя целомудри и страху Божию научи, унывающие ободрй и немощную старость поддержи. Милостию посети в болезнях и печалех сущия, злая сердца умягчи, братолюбие укрепи, мира и любви всех нас исполни. Примири, Благосердая Мати, враждующия и оправдай оклеветанныя. Истреби пороки, да не восходят греси наши пред Судиею всяческих, да не постигнет нас праведный гнев Божий. Твоими молитвами, всемошным Твоим покровом оградй нас от нашествий вражиих, от глада, губительства, огня, меча и всякаго иного злострадания. Уповаем молитвами Твоими получитьи грехов изглаждение и с Богом примирение. Умоли стяжати нам Царствие Небесное и с лики Ангелов и святых тамо восхвалити Пречестное Имя Святыя Троицы: Отца, и Сына, и Святаго Духа во веки веков. Аминь.